



KOMORA MEDICINSKIH SESTARA - TEHNIČARA KANTONA SARAJEVO

Br. 744/19
Sarajevo, 31.10.2019. god.

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
PREMIJER KANTONA
G-din Edin Forto**

71000 SARAJEVO

Poštovani Premijeru Kantona Sarajevo – gosp. Edine Forto,

Obraćamo Vam se ispred Komore medicinskih sestara - tehničara Kantona Sarajevo koja broji **3665** medicinskih sestara-tehničara, a u vezi sa iznošenjem netačnih informacija i navoda koje ste dana 30.10.2019 iznijeli na Skupštini Kantona Sarajevo, a u vezi plaća medicinskih sestara - tehničara.

Iznenadeni smo da se u posljednje vrijeme u javnosti negativno promovira profesija medicinskih sestara-tehničara u Kantonu Sarajevo, kao i da se iznose paušalne informacije o platama medicinskih sestara-tehničara.

Ističemo, da ne dozvoljavamo da se u javnosti urušava ugled naše časne profesije koja zasigurno u zdravstvenom sistemu zahtjeva bolji položaj i veće novčane naknade od onih koje ste netačno prezentirali, budući da najveći dio poslova i zadataka u zdravstvu obavljaju medicinske sestre-tehničari.

Medicinske sestre - tehničari nisu pomagačka profesija u zdravstvu, nego ravnopravni članovi zdravstvenog tima, koji imaju razvijena znanja i vještine za pružanje kvalitetne zdravstvene njege, a od koje u konačnici zavisi uspjeh liječenja pacijenata. Zbog toga ne želimo da se na bilo koji način omalovažava vrijednost rada medicinskih sestara -tehničara.

Smatramo da bi ste Vi, kao čelna osoba vladajuće političke strukture, trebali da uložite sve napore u cilju poboljšanja zdravstvenog sistema u Kantonu Sarajevo, na način da uspostavite jasne strategije razvoja kadrova u zdravstvu, strategije unapređenja kvaliteta i sigurnosti zdravstvene zaštite i usluga, uspostavite novu nomenklaturu zdravstvenih kadrova, te revidirate zastarjele standarde i normative, čime bi se značajno unaprijedila reforma zdravstvenog sistema.

Napominjemo, da medicinske sestre - tehničari mogu biti samo rješenje nagomilanih problema u zdravstvu, ukoliko bi zdravstvena politika u Kantonu Sarajevo bila orijentirana na kvalitetne reformske procese u kojima će dominantnu ulogu imati medicinske sestre - tehničari, kao što su to uradile zemlje članice Evropske unije. Očekujemo da prije, nego što istupite pred javnost provjerite tačnost informacija, kako se ne bi dovelo u pitanje ozbiljnost Vašeg rada i uloge. Budući da su do sada zanemarivani zahtjevi naše profesionalne Komore, a po pitanju unapređenja profesije u Kantonu Sarajevo, otvoreni smo za svaku saradnju u cilju ostvarivanja zajedničkih interesa.

S iskrenim uvažavanjem,

Predsjednica Upravnog odbora:
Mr.pec. Zineta Mulaosmanović, DMS

Dostaviti: Naslovu i Medijima



Predsjednik Komore:
Doc.dr.sci.zdravs. Hadžan Konjo, DMT